

# ARUBA ANSE COURANT



Diario



pa Aruba

DRINK ALWAYS  
**ORANGE CRUSH**  
from  
**Tropical Bottling Co.**  
call: 1773

Instala aireacondi-  
cionado na Bo-  
cas AWOR!



tel. 2170

ANJA 21

DIASABRA 9 DI JANUARI 1960

Nr. 3631

## Papa Johannes XXIII lo por sigui ehemplo di Papa Pio X si Krutshof bishita Roma

Den Haag 8 jan. — Un corresponsal di 'Volkskrant' a informa awe den un articulo riba prome blaachi dje corant, cu e prefecto di S. oficio na Vaticano, cardenal Ottaviani, a expresa un aviso severo contra loke el a jama e mito di Krutshof. E corresponsal ta informa cu e cardenal a bisa na moda fini, cu papa Johannes 23 lo por sigi ehemplo di papa pio 10 durante un eventual bishita di prome ministro Krutshof di Rusia na Roma.

E biahe aki di Krutshof a worde sugeri na cumintamentu dje siman aki. Hitler a yega di bishita Mussolini na Roma na 1938 y durante e bishita ey Papa Pio 10 a retira na su residencia di verano Castel Gandolfo.

E Cardenal, kende a papia durante un rezamentu ajera mainta en conmemoracion dje 'Iglesia silenciosa', den basilica di Sta. Maria Maggiore na Roma, a recorda e gruponan grandi di refugiadonan di oriente entre otro

na „e hanjo corra di sangre di Budapest: No ta posible pa menciona paz mientras cu paisnan heater ta worde tene den esclavitud“.

E siman aki a worde sugeri na Roma cu no ta imposible, cu prome ministro Krutshof di Rusia lo haci un contrabishita na presidente Gronchi di Italia, y cu lo e bishita Vaticano tambe. Ajera presidente Gronchi mester a bai haci un bishita na Moscu, pero el a postone su bishita te februari, pa motibu di un enfermedad. E corresponsal di Volkskrant ta informa cu e discurso di Cardenal Ottaviani a causa hopi 'sensacion' na Roma, na unda ta hopi periodista presente actualmente. El a bisa cu e

cardenal a bisa entre otro: „Ta hopi anja caba, cu un tecnico brutal di gobierno ta worde practica na nomber di yamada teorisan humanitario. Nan no tin obyecion contra tenementu di nan dje anti-cristianismo noho aki, al contrario, nan ta pusha pa nan un dje promesanan, cu lo por haci cu e anti-cristianismo“.

Cardenal Ottaviani, kende ta conoci pa su severidad, a bisa tambe:

„Na mitar di Europa no ta existi ni sombra di libertad.... Ta existi solamente un manera pa un hende ta huro aja, y esey ta pa aplaudi su gobernador como si e tabata un catibu. Ta posible pa un cristiano hari y keda contentu cu un asesinato di cristianismo, cu un hende cu no solamente ta neoga Dios, pero ta insulte tambe y ta sutu su discipulonan y su pastornan?“ asina cardenal Ot-



Diadomingo: 10 januari pa 10.30 a.m.

Friesche Vlag vs Cocomalt

pa 12.15 p.m.

Aruba Lions vs Adams Chiclets

## Gezaghebber Beaujon Ridder in Orde Nederlandse Leeuw

ORANJESTAD — Diahuebs anochi den Aruba Caribbean Hotel na Palm Beach gezaghebber F. J. C. Beaujon di Aruba a worde condecora como ridder in de Orde van de Nederlandse Leeuw. Tabata S.E. Gobernador A. B. Spekenbrink kende a efectua e ceremonia den presencia di ministronan J. E. Yrausquin, F. B. Tromp, J. C. Debrat y C. Kroon, tambe deputadonan E. O. Petronia, O. S. Henriquez, F. Wernet y secretario L. C. M. Kerstens di BC di Aruba y diferente famianan di mas pega dje condecorado y algun personanan di alta sociedad.

Den su discurso precedido na e condecoracion, e Gobernador ta menciona cu e distincion aki door di S.M. Reina Juliana otorga na senyor Beaujon sp-

cialmente ta pa su meritonan den tempo cu e tabata ministro. Drs. Spekenbrink ta observa cu senyor Beaujon na principio no kier a acepta e puesto como ge-



Diahuebs atardi gezaghebber F. J. C. Beaujon di Aruba a tende di S. E. Gobernador Spekenbrink durante un ceremonia cartica den Aruba Caribbean Hotel, cu S.M. Reina Juliana a condecora den ridderschap di Orde van de Nederlandse Leeuw. Aki nas ta mira momento cu gezaghebber ta warden candecora door di Gobernador.



Gezaghebber F. J. C. Beaujon durante su discurso di gradicimientu. Di robesz pa drechi: S. E. Ministro C. Kroon, S. E. Ministro J. E. Yrausquin, sra. Yrausquin y gezaghebber Beaujon.

zaghebber pero despues si tabata completamente dispuesto pa tuma e encargo riba dje. Durante e tempo, casi cinco anja, cu e tabata ministro senior Beaujon no tabatin tin tarea facil, prome como ministro di finanzas y despues como ministro di trafico, transportation y sanidad publica. Sinembargo semper e la cumpli lo mihor cu e tabata por cu su encargonan y asina tabata tin tur aprecio y confianza di e diferente hefanan di adfelingen cu tabata ehef baw di su departamento. Semper tur hende ta dispuesto pa coopera cu ministro Beaujon.

Tambe tocante su actividadnan riba terreno social ta worde memora cuanto senyor Beaujon a hasi pa Aruba. Antes como miembro directiva di A.V.B., den directiva di Wilhelmina Stadion, den Lago Thrift Plan Foundation y Home Building Foundation. Sempra Beaujon tambe a toca parti den e elogionan y apreciacion di e Gobernador.

Despues dje condecoracion y condecorado durante su discurso di gratitud ta duna di conoce cu e no a spera e condecoracion aki asina pronto caba. Altamente e ta aprecia e gobernador y su ex-coleganan ministronan di a bini special di Corsow pa e ocasion aki, pa cual e ta masha gradicido na nan. E gezaghebber cu a bisa di ta altamente contentu cu e condecoracion halta aki, ta declara di semper a cumpli cu su encargo como ministro segun honor y conciencia di tempo cu cinco anja pasa e la worde nombra y cu awor pa sirbi su mes isla, e la opina di mester hasi loke e por na unda nan tin mester di dje.

E ta suplica e Gobernador por ultimo pa pone S.M. Reina Juliana na altura di su sintimentunan di gratitud sincero pa e condecoracion aki.

Pa tur bo aseguronan  
**FATUM — Tel.: 1845**

Basta ratu nan a keda huntu despues dje ceremonia, mientras cu e maître d'hotel, Alfred Adené, y su personal tabata hasi tur loke tabata na nan alcance pa ningun hende falta nada. Localnan na a logra tambe, naturalmente! Un bunita celebracion di un suceso importante!



Momenta cu gezaghebber F. J. C. Beaujon ta worde felicita doar di su ruman Rudy cu un fuerte abrazo segun estilo latino.

## Di 78 aviso serio di China na Merca

PEKING, 8 januari. — Awe China Comunista a dirigi su di 78 „aviso serio“ na Merca, pa motibu di „violacion dje awanan territorial chinas pa un bapor mericano di guerra den vecindario di Fukien“. E „infiltracion“ aki a tuma lugar awe y el a worde jama un „provocacion militar“.

## Un bom masha fuerte a explota na Caracas

CARACAS, 8 januari. — Ajera nochi un bom masha fuerte a explota dilanti di un pacus den centro di Caracas, el a causa hopi dano na 3 edificio y un pomp di gasolina; autonano y un camion tambe a hanja dano y e chofer dje camion a worde herida.

Awe mainta tempran un otro bom a explota den e distrito residencial „Las Mercedes“ sin cu el a causa accidentenan personal.

E autoridadan a arresta varios hende en conexion cu e atentadonan aki.

## EXPERTO MERICANO UN RATO NA ARUBA

ORANJESTAD — Diahuebs a pasa nos isla di transito pa Barbados senyor George Cadbury, un experto di Estados Unidos, kende huntu cu su esposa lo keda tres luna na Barbados, na unda e lo duna e gobierno consehonan tocante asuntonan pa trece e economia dje isla na un nivel mas haltu.

Sra. Cadbury ta miembro directiva di International Planned Parenthood Board na Estados Unidos.

## De Gaulle lo bishita islanan Frances den Caribe

PARIS, 8 januari. — Presidente De Gaulle lo bishita e islanan frances den Caribe banda di mei. Despues cu e regresa di Merca y Canada na mei, lo e pasa algun tempo na Martinique, Guadeloupe, y na Guyana frances, asina a worde informa oficialmente na Paris.

## Ping Pong pa otro siman

ORANJESTAD — E programa pa e segundo rondu di encuentronan di ping pong dje competitie di A.T.T.A., segun nos a ricibi di e tafeltennisbond ta lo siguiente:

Diamomingo 10 di januari 10.30 a.m.		
Klasa	Encuentro	Lugar
I	Don Bosco I	Rio Club I
I	Bonaire	Estrella I
II	Don Bosco III	Tanki Leendert
II	Rio Club II	Estrella III
III	Don Bosco V	Caribe
III	Commb. Club	Estrella IV
Damas	Itoraire	Caribe

  

Diahuna 11 di januari 7.30 p.m.		
Klasa	Encuentro	Lugar
I	Don Bosco II	Bavaria I
I	Local	Basi Ruti

  

Diarazon 13 di januari 7.30 p.m.		
Klasa	Encuentro	Lugar
II	Don Bosco IV	Estrella II
II	Bavaria II	Noord

VAN DE  
**„PORCELEYNE FLES“**  
UIT DELFT IN HOLLAND

ontvingen wij een keurzending

ECHTE

**DELFT's BLAUWE**

- VAZEN
- BORDEN en
- SCHALEN

**ARUBA TRADING COMPANY**  
ORANJESTAD — SAN NICOLAS

Libby's products including: LEMON LIME NECTAR, PINEAPPLE JUICE, ORANGE JUICE, GRAPEFRUIT JUICE, and TOMATO JUICE.





